

PLOANIES SAN MARTIN Y LUNGIARÜ

Vigni ann vëgnel tigní sura döt le monn le pröm vëndres de merz le „De mondial de oraziun ecumenica“. Le test por la mëssa o la funziun é gnü en chësc ann arjigné ca dales ères de Vanuatu, n grup de 83 isoles cun 267.000 abitanc. Chëstes ijoles, che é riches de de gran belèzes naturales, vëgn baldi tres indò porseghitades da catastrofes naturales (eruziuns vulcaniches, tremoroc, zicluns y inondaziuns). Le placat por chësc dé de oraziun á por titul „La tera é por nos sciöche na uma por so pice möt“. Al recorda le gran ziclun dl ann 2015 che á gaujé de gragn dagns. La depenjadëssa dl dessëgn é instëssa gnüda salvada dales palmes y ara é sigüda che Chël Bel Dî l'á ejaudida y salvada dala mort. Le tema por chësc de „Costruí sön tera frëma“ se referësc al vangele do Matí (7,24-27) che inviëia da fabriché sön terac frëm.

L'oferta che vëgn ite en chësc de é destinada da daidé les ères te döt le monn te so sforz da lové sò dala meseria y dala opresciun y da jí instësses sön so tru por le bëgn de sües families y de dōta la sozieté. L'oferta de chësc ann jará a bëgn de proieic por daidé les ères de Vanuatu.

En chësc ann ne vëgn le dé de oraziun mondial nia tigní sò Oies sciöche i agn passá. Porchël é vigni ploania inviada da tigní instëssa na funziun, tuta in pert dala proposta che les ères dles ijoles Vanuatu (tl ocean Pazifich) á arjigné ca.

SAN MARTIN

Al é 25 agn ca dala vestiziun de suor Monica Graffonara dl Tin sciöche monia dla Congregaziun dles Monies Passioniste. L'ann 1993 éra júda ai 25 de merz, en la festa dl'Anunziaziun dl Signur, tl convënt dles Passioniste a Loreto. Te chisc agn de clausōra éra gnüda menada dal 2011 - 2016 a daidé daurí n convënt tl'Indonesia. L'ann 2019 éra gnüda trasferida tl Monastero dl Santuar de Santa Gemma Galgani a Lucca por orenté dla Madre presidënta dla congregaziun. Por chësc iubileum dijunse bel dilan a Chël Bel Dî de chësta vocaziun y ti audun a suor Monica döt le bun te süa misciun y profesciun de fede.

LUNGIARÜ

Al vëgn indò bel perié do le contribut por le mone che pó gní paíé incò domënia, 28 de forá o la domënia che vëgn, ai 07 de merz, te calonia do la gran mëssa, o ince pro la Cassa Raiffeisen IT 63K 08010 58830 000304004931. Le mone nes fej n gran sorvisc y é dagnora dan man da vigni funziun de dilijia y incëria.

A Lungiarü se recordunse dl „De mondial de oraziun dles ères“ pro la mëssa prefestia en sabeda sëra ai 06 de merz cun l'oferta por les ères da Vanuatu.

Les iscriziuns ala Scora de Musiga Val Badia por l'ann de scora 2021/2022 pó gní cina ai 31.03.2021. I formulars d'iscriziun ciafon te internet www.musikschule.it sot ala Scora de Musiga Val Badia. Por informaziuns tel. 0471 847 748.

Novité: presentaziun di stromënc dai maestri sön le canal youtube dla Scora de musiga Val Badia <https://youtube.com/channel/UCo0cSZ1jchj4ydNhF56dApA>

Audanzas de compliann: Tl mëis de merz n'él ma un su sura i otanta che complësc i agn, porchël vá les audanzas deplëgn a **Sepl Clara da Somví** che nen complësc 86 ai 21



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

28.02. - 07.03.21 nr. 14

2ª DOMÈNIA DE CARSÈMA - B

Vangele do Merch 9,2-10

Gejù á tut Pire, Iaco y Jan sön na pert y i á condüt sön na gran munt, mo mã ëi susc. Y al é gnü trasfiguré dan da sü edli;
Spo é l'gnü n nio che á lascé tomé süa ambria sön ëi, y fora dl nio cherdâ na usc: Chësc é mi Fi bunorü; ascutédele!
Canch'ai á spo ciarè incërch, n'odô i t'en iade plü degügn ater co Gejù.

Tratan ch'ai jô jö dla munt, ti àl proibì de ti cunté a zacai ci ch'ai á odü, cina che le Fi dl Om ne n'è ressori dai moré. Chësta parora ti dê da ponsè, y ai se damanâ un l'ater ci che chësc dô ester: ressori dai moré.




Trëi pinsiers:

I incuntun Chël Bel Dî te Gejù Crist. Èl é le „Fi“; chësc significhëia che Idî se dá da conësc a nos te Gejù Crist y ch'al nes lascia sintí te Gejù süa esistënza y süa essënza. Gejù é la presënza de Dî por nos, tru, verité y vita. Ince sce Idî s'á manifesté te Gejù, resta nosta esperiënza de Dî tres indò injopada ite tl nio.

Idî ti baia ados ai trëi discepui: „Ascutédele!“. Chësc ó dí „Jidi do a Gejù!“ Do la trasfiguraziun vëiga i discepui ma plü Gejù, despié de vigni gloria. Ai vá cun èl jô dla munt y vëiga so tru che condüj ala mort sòla crusc. I cristians vir jô tla planōra olache momënc alc de gloria divina é dainré.

Le terzo pinsier é la Dlijia sciöche comunité di testimonii. Gejù s'á tl vangele deplü iadi chirí fora trëi discepui sciöche testimonii. Insciö ál formé la fondamënta dla Dlijia. Sciöche chi trëi apostui é jüs jô dla munt, insciö junse ince nos demez dal'eucaristia dla domënia indò ite tla vita nomala a tó sön nos les crusc da vigni de, a l'ascuté y ti jí do y a vire te so Spirit.

EDEMA	SAN MARTIN	LUNGIARÜ	 I periun do l'intenziun dl Papa por le mëis de merz Por che le Rëgn de Dî crêscen ó le Papa ch'i fajunse de bunes esperiënzes cun le sacramënt dla reconziliaziun. I periun ch'i sunse bugn da fâ pro le sacramënt dla confesciun l'esperienza de na profundité nôia, por podëi sintí ciamó deplü la misericordia infinida de Dî. ----- Signur, Dî dla vita, sot al pëis dl Corona Virus te periunse por düc i amarà y i more de chësta coia, por i doturs y düc chi che laora tles strotöres de assistënza y de aiüt, por chi che governëia y á da tó dezijiuns por le dagní. Sostëgn chi che á pordü le post de laur y la fontana de davagn, chi che é tomá tla meseria. Recordete de chi che á da combate cun problems soziai y psichics por gauja dl'isolaziun y dles restriziuns. Dëidesse cun to amur y to aiüt da superé chësta crisa. Móstrasse tü trus da pié indô ia y deuresse le cör un por l'ater ch'i portunse pro ala costruziun de to rëgn d'amur y de pesc. Amen.
28.02.2021 2ª DOMËNIA DE CARSËMA - B	9.00 Corona/Staziuns 9.30 Gran Mëssa por la Comunité por fam. Massimo Gadda de rengraziam. por fam. Clement, Pice Ju, de rengraziam. a d'intenziun	7.55 Les Staziuns 8.15 Gran Mëssa por la Comunité	
01.03.21 Lönesc <i>Albin, Davide</i>			
02.03.21 Dedolönesc <i>Agnes, Ines</i>	19.00 Mëssa de rengraziamënt di benefactors vis y def. ++ geniturs Prousch y Perathoner dl ann + Clara Sorá		
03.03.21 Dedemesaledema <i>Cunigunda, Tobia</i>	18.00 Les Staziuns	7.30 Mëssa dl ann + Johanna Schanung ++ Isidoro y Monica Mischi	
04.03.21 Jöbia <i>Adrian, Teofil</i>	7.30 Mëssa vis y def. fam. Monti y Conti + Sepl Trebo, Pension Tor Corona por vocaziuns		
05.03.21 Pröm vëndres <i>Oliva, Dietmar</i> <i>De mondial d'oraziun dles ères </i>	domisdé: Provijiun di amarà 18.30 Funziun por le De mondial de oraziun ecumenica a d'intenziun dles ères da Vanuatu cun oferta 19.00 Mëssa por fam. Martin Verginer + Rita Rubatscher Verginer por les Animes arbandonades	7.00 Adoraziun 7.30 Mëssa de rengraziamënt fam. Nicl Moling ++ Monica y Rudi Moling + frater Martin Ploner + Maria Clara Verginer danmisdé: Provijiun di amarà	
06.03.21 Sabeda <i>Fridolin, Coleta</i>	17.30 Mëssa prefestia de rengraz. por fam. Christian Bacher de rengraz. por fam. Alex Zingerle + Giovanni Ferdigg, Ju ++ Peter y Christine Zingerle + Milia Promberger	19.00 Mëssa prefestia a d'intenziun dles ères da Vanuatu cun oferta dl ann + Angela Costa dl ann + Serafin Clara +++ Franz, Veronica y Giovanni Costa	
07.03.2021 3ª DOMËNIA DE CARSËMA - B	9.00 Corona por vocaziuns 9.30 Gran Mëssa por la Comunité por les families Chizzali, Vësko ++ degan Bruno Majoni y Angela Prousch ++ Sepl y Silvia Rives Zingerle	7.55 Les Staziuns 8.15 Gran Mëssa por la Comunité	 Dé mondial de oraziun dles ères 5 de merz 2021 „Fabriché sön terac frëm“